

Рамазоним келмоқда!



11:41 / 09.04.2021 2016

Қуёшни ҳам кулдириб,
Қалбга сурур тўлдириб.
Дўстларни суюнтириб,
Рамазоним келмоқда!

Саҳар тулинг ёронлар,
Хатм қилинг Қуръонлар.
Дод деворсин шайтонлар,
Рамазоним келмоқда!

Ғафлат ойи эмас бу,
Овқат ойи эмас бу.
Раҳмат ойи демак бу,
Рамазоним келмоқда!

Сергаклик аҳди бўлган,
Мўминнинг бахти бўлган.
Ислонинг фатҳи бўлган,
Рамазоним келмоқда!

Енг шимаринг тоатга,
Ийманий ҳаловатга.

Эришинг саодатга,
Рамазоним келмоқда!

Иймон кучга тўлади,
Шайтон қулфланади,
Рухул Қудус инади.
Рамазоним келмоқда!

Рамазонда сабр бор,
Етти юз қат ажр бор.
Минг ойга тенг Қадр бор,
Рамазоним келмоқда!

Бу ой марду майдондир,
Кутиб турган райёндир.
Суму, деган Раҳмондир,
Рамазоним келмоқда!

Юртдошим сен ҳам маҳкам бўл,
Савоб ишда илдам бўл.
Тур, ётма пешқадам бўл,
Рамазоним келмоқда!

Аброр Мухтор Алий

2010 йил. Шаъбон 25